



LAPORAN LIPUTAN MEDIA

RABU / 10 JANUARI 2024

- 1. TUBUH PASUKAN KHAS HAPUS KARTEL – SINAR HARIAN**
- 2. KPKM PERUNTUK RM50 JUTA BANTU PETANI, NELAYAN TERJEJAS BANJIR – SINAR HARIAN**
- 3. DANA RM50 JUTA BANTU PETANI, PELADANG, NELAYAN TERJEJAS BANJIR - BERITA HARIAN**
- 4. SEDIA RM50j BANTU PETANI TERJEJAS BAH – HARIAN METRO**
- 5. MYCC SIASAT KARTEL BERAS – UTUSAN MALAYSIA**

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : SINAR HARIAN

TARIKH : 10 JANUARI 2024

PERKARA : ISU SEMASA

Tubuh pasukan khas hapus kartel

Dalang kartel makanan perlu hukuman berat

Oleh **NURATIKAH ATHILYA HASSAN SHAH ALAM**



KPKM sedia audit pemain industri beras

Kerajaan perlu mewujudkan pasukan petugas khas bagi memberi fokus terhadap penghapusan kartel semua jenis makanan yang dibawa masuk ke negara ini. Pakar Kriminologi, Shahul Hamid Abd Rahim berkata, hukuman berat juga perlu dikenakan terhadap syarikat atau mana-mana individu yang menjadi dalang dalam kegiatan tersebut.

Menurutnya, pasukan khas itu boleh ditubuhkan dengan kerjasama antara KPKM ber-

sama beberapa pihak lain seperti Kementerian Perdagangan Dalam Negeri (KPDN) dan Polis Diraja Malaysia (PDRM).

"Kerajaan perlu berani dan tegas untuk tangani isu kartel ini dengan serius. Tubuhkan pasukan khas, kenal pasti siapa yang terlibat dan jatuhkan hukuman yang berat kepada mereka."

"Sekiranya ia masih berada dalam negara, selagi itulah harga barangan akan turun naik tanpa kawalan yang betul. Jadi kalau mahu hapuskan, kena lakukan dengan serius," katanya ketika dihubungi pada Selasa.

Sebelum ini, KPKM dilaporkan bersedia untuk menjalankan audit terhadap pemegang lesen borong beras, eksport, import, kilang padi, membeli padi, beras runcit dan kelulusan khas menjual benih padi bagi benih padi sah (BPS) bagi membanteras isu tersebut.

Menterinya, Datuk Seri Mohamad Sabu berkata, kira-



“

Kerajaan perlu berani dan tegas untuk tangani isu kartel ini dengan serius. Tubuhkan pasukan khas, kenal pasti siapa yang terlibat dan jatuhkan hukuman yang berat kepada mereka."

- Shahul Hamid

kira 39,000 daripada mereka terlibat dalam industri makanan itu.

Ujar Mohamad, situasi ini masih terkawal dan beransur pulih tetapi pihaknya tidak teragak-agak untuk melakukan serbuan mengejut sekiranya masih terdapat laporan mengenai masalah sama.

Mengulas lanjut, Shahul berkata, isu kartel bukan perkara baharu dan tanpa tindakan tegas, ia akan tetap berkembang

dan kekal dalam pasaran.

"Lakukan penghapusan kartel dahulu kerana mereka yang mengawal harga dan segala-galanya sehinggakan kerajaan pula yang terpaksa mengikut kehendak mereka," katanya.

Dalam pada itu, Shahul Hamid turut mengingatkan orang ramai untuk segera melaporkan kegiatan sorok stok melibatkan semua jenis makanan kepada pihak berwajib.


Laporan Sinar Harian pada Selasa.

KERATAN AKHBAR : SINAR HARIAN
TARIKH : 10 JANUARI 2024
PERKARA : ISU SEMASA

KPKM peruntuk RM50 juta bantu petani, nelayan terjejas banjir

KOTA BHARU - Kementerian Pertanian dan Keterjaminan Makanan (KPKM) memperuntukkan RM50 juta di bawah Tabung Bencana Pertanian untuk memberi pampasan sehingga 50 peratus daripada kerugian akibat bencana banjir kepada petani, penternak, peladang dan nelayan.

Menterinya, Datuk Seri Mohamad Sabu berkata, berdasarkan laporan awal diterima, anggaran jumlah kerugian oleh sektor agromakanan di Kelantan sahaja menjangkau



MOHAMAD

lebih RM20 juta yang melibatkan 1,875 orang.

“Antara kawasan teruk terjejas adalah Tumpat, Kota Bharu, Pasir Mas, Bachok, Tanah Merah, Pasir Puteh, Machang, Jeli, Kuala Krai dan Gua Musang,” katanya.

Beliau berkata demikian selepas

Majlis Sentuhan Agro Madani Kelantan di sini pada Selasa.

Terdahulu, Mohamad turut menyampaikan sumbangan bakul makanan kepada lebih 200 golongan petani, penternak dan nelayan yang terjejas akibat banjir baru-baru ini. - *Bernama*

KERATAN AKHBAR : BERITA HARIAN

TARIKH : 10 JANUARI 2024

PERKARA : ISU SEMASA

Dana RM50 juta bantu petani, peladang, nelayan terjejas banjir

Agrobank turut sedia pinjaman RM430j kepada pengusaha agromakanan, tawar moratorium 6 bulan

Oleh Nor Fazlina Abdul Rahim
nfazlina@bh.com.my

Kota Bharu: Kementerian Pertanian dan Keterjaminan Makanan (KPKM) menyediakan RM50 juta bagi membantu petani, penternak, peladang dan nelayan di negeri yang terjejas banjir.

Menterinya, Datuk Seri Mohamad Sabu, berkata peruntukan menerusi Tabung Bencana

Pertanian itu akan memberikan pampasan sehingga 50 peratus daripada nilai kerugian.

"Pada masa sama, Agrobank turut menyediakan kemudahan pinjaman kepada pengusaha agromakanan sehingga RM430 juta.

"Agrobank juga memberikan moratorium sehingga enam bulan kepada peminjam sedia ada yang terjejas banjir," katanya selepas Majlis Agro MADANI Kelantan, di sini, semalam.

Kelantan rugi RM20.3 juta

Beliau berkata, laporan awal kerugian yang dialami sektor agromakanan di negeri itu RM20.3 juta membabitkan 1,875 orang.

"Ini membabitkan 10 daerah di negeri itu yang terjejas banjir termasuk Tumpat, Kota Bharu, Pasir Mas, Bachok, Tanah Merah, Machang dan Jeli.

"Daripada jumlah kerugian sektor agromakanan di Kelan-

tan, sebanyak RM11 juta membabitkan tanaman padi," katanya.

Dalam perkembangan lain, Mohamad berkata, selaras dengan konsep Keterjaminan Makanan Tanggungjawab Bersama, program pengukuhan keterjaminan makanan, bukan tanggungjawab KPKM semata-mata sebaliknya membabitkan peranan semua pihak.

"Menerusi Belanjawan 2024, sejumlah RM400 juta disediakan bagi pelaksanaan pelbagai inisiatif khusus dengan memberikan penekanan dan meningkatkan pengeluaran domestik dan kadar sara diri komoditi makanan utama.

"Daripada jumlah berkenaan, sebanyak RM150 juta diperuntukkan untuk kerjasama dengan kerajaan negeri dalam mengoptimumkan penggunaan tanah bagi meningkatkan hasil tanaman dan ternakan," katanya.



Mohamad diiringi Pengerusi Jawatankuasa Pertanian, Industri Agromakanan dan Komoditi Kelantan, Tuan Saripuddin Tuan Ismail (kiri) menyampaikan bantuan terjejas banjir kepada pesawah pada Majlis Agro MADANI Kelantan di Kota Bharu, semalam.

(Foto Nik Abdullah Nik Omar/BH)

KERATAN AKHBAR : HARIAN METRO

TARIKH : 10 JANUARI 2024

PERKARA : ISU SEMASA



MOHAMAD (dua kiri) diringi Pengerusi Jawatankuasa Pertanian, Industri Agromakanan dan Komoditi, Tuan Saripuddin Tuan Ismail (kiri) menyampaikan bantuan terjejas banjir kepada sebahagian daripada pesawah di Majlis Agro Madani Kelantan di Dewan Serai Wangi RTC FAMA Kelantan. - Gambar NSTP/NIK ABDULLAH NIK OMAR

PERUNTUKAN MENERUSI TABUNG BENCANA PERTANIAN

Sedia **RM50j** bantu petani terjejas bah

Oleh Nor Fazlina
Abdul Rahim
am@hmetro.com.my

Kota Bharu

Kementerian Pertanian dan Keterjaminan Makanan (KPKM) memperuntukkan RM50 juta bagi membantu petani, penternak, peladang dan nelayan yang terjejas banjir baru-baru ini.

Menterinya, Datuk Seri Mohamad Sabu berkata, peruntukan menerusi Tabung Bencana Pertanian itu akan memberikan pampasan sehingga 50 peratus daripada nilai kerugian.

"Pada masa sama, Agrobank turut menyediakan kemudahan pinjaman kepada pengusaha agromakana-

nan sehingga RM430 juta.

"Agrobank juga memberikan moratorium sehingga enam bulan kepada peminjam sedia ada yang terjejas banjir," katanya ketika sidang media selepas majlis Agro Madani Kelantan di sini, semalam.

Beliau berkata, berdasarkan laporan KPKM Kelantan, laporan awal kerugian yang dialami sektor agromakanan di negeri itu sebanyak RM20.3 juta membabitkan 1,875 orang.

"Ia membabitkan 10 daerah di negeri itu yang terjejas banjir termasuk Tumpat, Kota Bharu, Pasir Mas, Bachok, Tanah Merah, Machang dan Jeli.

"Daripada jumlah kerugian sektor agro makanan di Kelantan, sebanyak RM11



Agrobank menyediakan kemudahan pinjaman kepada pengusaha agromakanan sehingga RM430 juta dan memberikan moratorium sehingga enam bulan kepada peminjam sedia ada yang terjejas banjir"

Mohamad Sabu

juta membabitkan tanaman padi," katanya.

Dalam perkembangan lain, Mohamad berkata, selaras dengan konsep Keterjaminan Makanan Tang-

gungjawab Bersama, program pengukuhan keterjaminan makanan, ia bukanlah tanggungjawab KPKM semata-mata sebaliknya ia membabitkan peranan semua pihak.

"Menerusi Belanjawan 2024, sejumlah RM400 juta disediakan bagi pelaksanaan pelbagai inisiatif khusus dengan memberikan penekatan dan meningkatkan pengeluaran domestik dan kadar sara diri komoditi makanan utama.

"Daripada jumlah berkeajaan, sebanyak RM150 juta diperuntukkan untuk kerjasama dengan kerajaan negeri dalam mengoptimumkan penggunaan tanah bagi meningkatkan hasil tanaman dan ternakan," katanya.

KERATAN AKHBAR : UTUSAN MALAYSIA

TARIKH : 10 JANUARI 2024

PERKARA : ISU SEMASA

MyCC siasat kartel beras

Oleh **NURUL IRDINA SUMALI**

irdina.sumali@mediamula.com.my

PETALING JAYA: Bahagian Pengawalan Padi dan Beras akan mengadakan mesyuarat dengan Suruhanjaya Persaingan Malaysia (MyCC) pada 19 Januari ini bagi menyiasat segera isu berkaitan dakwaan wujud kartel yang menekan nasib pesawah.

Bercakap kepada *Utusan Malaysia*, Ketua Pengarahnya, Datuk Azman Mahmood berkata, sekiranya didapati ada pemegang lesen berkaitan padi dan beras gagal mematuhi syarat atau melanggar peraturan ditetapkan, mereka akan dikenakan kompaun atau didakwa di mahkamah.

Katanya, bagi pemegang lesen padi benih pula, lesen mereka akan dibatalkan kalau melanggar syarat.

"Langkah ini bagi memastikan ketelusan serta mengesahkan semua aktiviti mereka tidak melanggar mana-mana syarat.

"Jika didapati bersalah, mereka akan dikenakan kompaun atau didakwa di mahkamah untuk pemegang lesen yang melanggar kecuali pemegang lesen padi benih akan dibatalkan lesen kalau melanggar syarat.

"Kita akan adakan mesyuarat bersama MyCC bagi menyiasat perkara ini secara keseluruhan," katanya di sini, semalam.

Kelmarin, *Utusan Malaysia* mendedahkan mengenai kewujudan kartel yang menekan nasib pesawah.

Gabungan Pengilang Beras Malaysia mendakwa ada kartel yang dimonopoli oleh empat hingga lima syarikat besar dalam menentukan harga padi, beras serta pembekal benih.

Bersambung di muka 3

GAMBAR 1

MyCC siasat kartel beras

Dari muka 1

Kartel itu juga dikatakan memonopoli lebih 60 peratus pengeluaran beras negara.

Bagaimanapun, Kementerian Pertanian dan Keterjaminan

Makanan menafikan dakwaan kewujudan kartel atau mafia yang dikatakan bertindak menentukan harga padi di negara ini sambil memaklumkan sebanyak 39,000 lesen pelbagai jenis dikeluarkan dalam indus-

tri tersebut.

Dalam pada itu, Azman memberi jaminan bersedia untuk mengaudit semula 39,000 pemegang lesen bagi urusan niaga padi dan beras negara seperti diperkatakan Menteri

Pertanian dan Keterjaminan Makanan, Datuk Seri Mohamad Sabu.

Beliau memberitahu, pihaknya sentiasa bersedia untuk mengaudit sekiranya disyorkan oleh menteri.

GAMBAR 2